



Aqqalu C. Jerimiassen  
Atassut sinnerlugu Inatsisartuni ilaasortaq

## § 37 020/2021 apeqquteqaammut akissuteqaat

Asasara Aqqalu C. Jerimiassen

Inatsisartut suleriaasiat § 37 naapertorlugu Naalakkersuisunut apeqquteqaammik nassivutit. Naalakkersuisut apeqquteqaatinnut qujapput apeqqutitillu matuma kinguliani ataasiakkaarlugit allanneqarput, akissummillu malitseqarlutik.

Portørit sulinermit atugassarititaat pillugit apeqqutini ukkatarineqarmata apeqqutit taakku tunngavigalugit akineqarput.

### 1. Peqqinnissaqarfimmi sulisunut atugassarititaasunut qanoq Naalakkersuisut pitsanngorsaaniissaminut pilersaaruteqarpat?

#### Akissut:

Peqqinnissaqarfiup anguniarpaa portør-it tamarmik portøri annaassiniartartutut ilinniaqarnissaat. Suliffimmi avatangiisit ilinniarnermi pingaartinneqarput ilaatigut aamma ilinniartitsissutigineqartarpoq eqqortumik inissisimanissaq aamma atortunik eqqortumik atuinissaq. Taassuma saniatigut Peqqinnissaqarfiup iluani ilaatigut uummammik – puammik – annaassiniarneq kiisalu kivitseriaaseq pillugit ataavartumik pikkorissartitsisoqartarpoq.

Dronning Ingridip Napparsimavissua ilaatigut kivitsissutinik issiaveqarpoq, napparsimasut nakkarsimasut kivinneqarnerani atorneqartartoq aamma kivitsissuteqarpoq napparsimasut kivinniaaraanni atorneqartartoq. Portør-it timimik sungiusaasoq Peqqinnissaqarfimmi avatangiisit pillugit siunnersorti peqatigalugit atortut atornissaat ilitserorneqarникуpput. Atortut ataavartumik taarsersorneqartarput. Taarsersorneranni atortut atoruminarissaat ukkatarineqartarpoq.

Taamatuttaaqq sulinermit tarnikkut avatangiisit aamma sulinermit tarnikkut ajoqusernerit pitsanngorsarneqarnissaat ukkatarineqarpoq. Sulisoq sulinermit nalaani tarnikkut artornartumik nalaataqarsimappat, peqqinnissaqarfimmi oqaloqatigiinnikkut oqilisaassineq aamma suleqatigiittut oqaloqatigiinneq ingerlanneqartarpoq. Oqilisaassineq oqaloqatigiinnerlu tarnikkut ikiueqqaarnertut ippoq, pisoq pisimasup kinguningua oqaloqatigiissutigineqarpoq sapaatillu akunnera qaangiukkaangat malitseqartinneqartarluni.

### 2. Portørit atortorissaaruteqarnerinut pitsanngorsaaniissamik suliaqassallutik Naalakkersuisut aningaasalersuinissamut pilersaaruteqarpat?

10-02-2021  
Sags nr. 2021 - 2858  
Akt nr. 15979121

Postboks 1160  
Tlf: 34 50 00  
Fax: 34 55 05  
3900 Nuuk  
Email: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

**Akissut:**

2021-imi aningaasanut inatsimmi Naalakkersuisut 12.500.000 korunnit ukiunut sisamanut tulluuttunut ambulancenut pisiniarnermi pingaarnersiuisimapput. Aningaasaliissutip tunngavigaa Peqqinnissaqarfiup ambulancii aserfallassimmata taarserneqarnissaminullu pisariaqartitsimmata. Aningaasanut inatsimmi aningaasaliissutinut naatsorsuutigineqarpoq Peqqinnissaqarfik akuersaarnartumik ambulance-nik kiffartuussineq attasinnaassagaa. Ambulancenik nutaanik pissarsiniarnermi sulineq aallartisarneqareerpoq.

Inussiarnersumik inuulluaqqusillunga  
Med venlig hilsen



Martha Abelsen